

屈

辭

精

義

屈辭精義卷之四

江都陳本禮箋訂

男逢衡校讀

九章

發明

屈子之文如離騷九歌章法奇特辭旨幽深讀者已目迷五色而九章谿逕更幽非離騷九歌比蓋離騷九歌猶然比興體九章則直賦其事而淒音苦節動天地而泣鬼神豈尋常筆墨能測朱子淺視九章識其直致無潤色而不知其由蘊叢鳥道巉巖絕壁而出而耳邊但聞聲聲杜宇啼血於空山夜月間也

惜誦

惜誦

諫諍之詞詩家父作誦以究王誥

以致愍兮發憤以抒情

抒致愍所所誦之情所辭

九章 惜誦

非忠而言之兮指蒼天以爲正

叶

箋 正者證也證其言之是非也下二語卽指所誦之詞前誦之於君而致愍故今又誦之於天以求其證也

令五帝太皞神農黃帝少皞顓頊以折中折其是非之中兮戒六神五帝之臣重黎句龍該修熙也與

嚮服質對其事之實俾山川以備御兮備其侍御以待刺宥也命咎繇使聽直

箋 古來斷獄惟咎繇惟明克允故欲就咎繇而求其聽斷也

竭忠誠以事君兮反離羣而贅疣叶忘儼媚以背衆兮

待明君其知之

箋 此五帝折中之語惜其離羣失位如贅肉之無用也此篇在九章中另格乃問答體舊解不分槩作原語不但待明君句涉於謗訕卽下章

言行情貌亦若自炫此班固誤
讀所以有露才揚已之譏也

言與行其可迹兮情與貌其不變故相臣莫若君兮所
以證之不遠

箋

此亦五帝語上章諷楚懷之不明此諷其不察
有臣如原不能迹其言行證其情貌而相之也

吾誼先君而後身兮羌衆人之所仇也專惟君而無他
兮又衆兆之所讎也

箋

此原聞五帝離羣之語推原
其所以離之之故而復訴也

壹心而不豫

不猶豫也

兮羌不可保也疾親君而無他兮有

招禍之道也

[箋]

此又五帝訓誡之詞言人臣事君進思密勿退欲和衷若以爾之執一不和於眾雖親君無他然怙直不回君亦不喜不但不能保位且必招禍大有爾其戒之欽哉毋忽之意

思君其莫我忠兮忽忘身之賤貧

忘其失位

事君而不貳兮

被疏猶諫

迷不知寵之門

叶民以下皆原語

[箋]

此原貽五帝招禍之語撫躬自思於事君之道莫我忠已何以冀能免於禍耶是蓋自忘其身之貧賤迷其所向而不知有苞苴貨賄善為邀

寵之地也

忠

跟上莫我忠來

何辜以遇罰兮亦非予之所志

叶

非意料所及

行不

羣以顛越兮

獨行取禍

又衆兆之所哈

笑其愚也

箋

此又追溯前此之遇罰顛越種種不合皆由迷於寵門所致今雖翻然改悟竊恐前怨已深衆讎莫解雖欲挽回已不及矣

紛逢尤以離謗兮

重重遇罰

謗不可釋也

有口難辨

情沈抑而不

達兮又蔽而莫之白

叶也

加倍朦蔽更難自白

心鬱邑余侘傺兮又莫察予之中情

叶

固煩言不可結

而詒兮

欲上書自陳又恐言煩詞冗有涉於責

願陳志而無路

進言時既邀寵無門失意時豈復有路耶

退靜默而莫予知兮進號呼又莫予聞

連用四又字正見進退維谷之意

申

侘傺之煩惑兮中悶瞀

音茂

之忡忡

箋

已上皆承思字貫下歷思忠之招禍不可保如此適如五帝之言使我至今中心如醉益悶蒼而難已也以起下文入夢之因文分上下兩截

上截寫五帝折中語下截

寫厲神占問詞遙遙對列

昔

疇昔

余夢登天兮

天字頂章首蒼天來

魂中道而無杭吾使厲神

祭法

有泰厲公

厲族厲

占之兮曰有志極而無旁

厲神占辭

箋

悶蒼之極結想成夢登天者志在竭忠事主故有疇昔登天之夢特卜之於厲神者蓋天與五帝前已誦言之矣然忠何辜以遇罰究未得明

其故故卜及厲神冀其直言而無隱也

志極無旁者憐其志極高而旁無輔也

終危獨以離異兮

此原疑而復問也

曰

以下厲神再答之詞君可思而不可恃故衆口其鑠金兮初若是

而逢殆

初以君為可恃即逢上官大夫爭寵被讒見疏是初次已逢一殆

懲熱羹而吹整

齊

今何不變此志也

前車之懲則當即改何以顛忘吹整之戒乎欲

釋階而登天兮

即以登天之說折之

猶有曩之態

叶替也

譏其猶然恃君之故態也厲神之言

止

前五帝誠其保位避禍此番厲神又勸其懲羹吹整無如皆與此屈子不合甘於折臂成醫終之以曾思遠身而此志不改也

衆駭遽以離心兮又何以為此伴

侶

也同極而異路兮

又何以為此援

叶于也

願反原語

箋

此原聞厲神變志之言而自為揣度之詞言衆既與我離心異路矣又何以能為我之伴援耶此時我雖變志無益又何況不能變耶兩此字

指已

言

晉申生之孝子兮父信讒而不好叶 謂不得其好名死也行婞直而

不豫兮鮌功用而不就叶 皂不能贖放殛之罪

箋 此又甚言其變志之無益以申生之純孝而乃自經於新城之廟以伯鮌之功而乃被殛於羽山之淵豈古來父子君臣間皆因不能變其志

而然耶

補註 申生之孝未免陷父於不義鮌續用弗成殛於羽山屈子舉以自比者申生之用心善矣而不見知於君父其事有相似者鮌以倖

直亡身知剛而不知義亦屈子之所戒也

吾聞作忠以造怨兮古人忽謂之過言九折臂而成醫

兮此亦成語吾至今廼知其信然

箋

吾聞作忠造怨每每忽而不察以為過言自信忠能格天必不遇罰何能造怨不意今日親身離殃乃知其為誠然也

辭鏡

玩懲美吹整及折臂成醫等語其為前番既疏猶諫失左徒之位此番又諫無疑

矧弋機而在上兮尉羅張而在下叶設張辟以娛君兮

願側身而無所

箋

此因厲神有逢殆之語故復言今日世情更有不能免於殆者矧弋喻朝廷苛政尉羅喻臣下峻法張辟者於五刑外又設密網羅織如誹謗者族之類以為娛君之術使人避禍而無所也

欲儻何以千僚兮恐重患而離尤叶欲高飛而遠集兮

君罔謂汝何之

箋

周誣也欲加其罪何況無辭況有隙可乘乎汝何之三字問得冷而促

彙訂

承上側身無所而言欲憺何楚地既恐禍之疊加欲遠適異鄉能無怒而相詰

欲橫奔而失路

喻違道妄行

兮蓋堅志而不忍背膺脾以交痛

兮

通上三者皆不可為故膺背交痛也

心鬱結而紆軫

擣木蘭以矯蕙兮檠申椒以為糧播江蘺與滋菊兮願

春日以為糗芳

箋

於無可奈何中設出遠身一法以暫避其鋒是殆微美吹竽姑從厲神之說也

恐情質

遠身情質

之不信兮故重著

重著其網羅之酷虐也

以自明矯茲

媚即上衆芳

以私處兮願曾思而遠身

叶商

箋遠身避憎弋之加窮難之辟也死非屈子所懼極帶而死非正命也故遠之

抽思

蔣註

此篇蓋原於懷王時斥居漢北所作也原於懷王受知有素其來漢北或亦適宦於斯非頃襄棄逐江南北故前欲陳辭以遺美人終以無媒而愛誰告蓋君恩未遠猶有拳拳自媚之意而於所陳耿著之詞不憚疊疊述之則猶幸其念舊而一悟也

心鬱鬱之憂思兮歟永歎乎增傷思蹇產之不釋兮曼

遭夜之方長

秋夜不寐更苦漏長

悲秋風之動容

薄寒中人

兮何回極

斗柄西指

之浮浮

不靖之象以星光之閃爍與君

為臣下所播弄也

數惟蓀之多怒兮傷予心之憂憂

占之天意則如彼觀之人事則如此

多怒則予

心更傷矣

願遙起而橫奔兮

欲不俟命回郢

覽民尤以自鎮

叶珍知危自止

結微情以

陳詞

欲上書自明

兮矯以遺夫美人

指君

蔣註

君方多怒故民動而見尤原身繫漢北心不忘君欲違命至郢以陳其志又見民之罹罪者多而知危自止但結情於辭舉以告君

則此篇之所為作也

昔君與我成言兮曰黃昏以為期羌中道而回畔兮反

既有此他志

叶黃昏為期註見離騷

蔣註

以下皆追序立朝時蒙讒被放之事也

憊

吾以其美好兮覽余以其修姱

叶

與予言而不信

兮蓋爲子而造怒

蔣註

不信不以誠告也造作也始見君之怒不測及觀其待已常矜能以相炫飾僞以相欺與成言之意相背乃知其銜怒在已也更記懷王使屈平造憲令上官大夫心嘗其能因讒之曰平以爲非我莫能爲也王怒而疏屈平蓋懷王矜名好勝故讒人得以深中其忌其於原口不言而忿口深其所以矜示者亦因疑原之自伐而與之相競耳

願承問而自察

願君自察其非

兮心震悼而不敢悲夷猶而冀進

兮心怛傷之惓惓

叶膽恐懼貌寫盡憂讒畏讒神理

茲歷

歷

情以陳辭兮蓀佯聳而不聞固切人之不媚

直切

之言人皆不喜

兮衆果以我爲患

叶胡門反

抽思

蔣註

言欲及君之服以自明而始則心懼而不敢言繼則欲言而心益懼及其言也君方置若罔聞而衆已慮其傷已此其所以斥之於

漢北也

初吾所陳之耿著兮

昔日所陳

豈至今其庸亡

同忘

何獨樂斯

之蹇蹇

今日所陳

兮願蓀美之可完

叶胡光反願君之美德完粹也

望三

皇帝

以爲像

模範

兮指彭咸以爲儀

法式

夫何極而

不至兮故遠聞而難虧

蔣註

望君以三五爲模自矢以彭咸爲法君能希聖臣能竭忠以相砥於其極也

善不由外來兮名不可以虛作孰無施而有報兮孰不

實而有獲

稟訂

承上而申明之不由外來德行所以難虧不可虛作聲聞所以遠播報者報其施是不可虛作也獲者獲其實是不由外來也

少歌

樂之閒歌

曰與美人抽思兮并日夜而無正

說文正守一不止無正者無止

也
憍吾以其美好兮敖朕辭而不聽

箋

少歌小歌也點出抽思以結首章鬱鬱憂思之意見心中時釋其思而不能釋也

倡曰有鳥

原自喻

自南兮來集漢北

今郎襄地

好姱佳麗兮胖

獨處此異域既憊獨而不羣兮又無良媒在其側道卓

遠而日忘兮願自申而不得望北山

北姑之山

而流涕兮臨

流水

漢江之水

而太息

箋

倡者更端再歌之詞以暢發其未盡之意也

望孟夏之短夜兮

章首言秋風此云孟夏蓋追序之詞

何晦明之若歲

秋夜惟方長

郢路之遼遠兮魂一夕而九逝

言一閉眼便到郢都

曾不知路之曲直兮南指月與列星

言郢都分明在望只在月星之下耳

願徑

逝而不得兮

一夕九逝實未嘗至故曰願徑逝而不得也

魂識路之營營

沈約曰夢中不識路何以慰相

思此怪魂之

頻於往來也

何靈魂之信直兮人之心不與吾心同理弱而媒不通

兮尚不知余之從容

殺身成仁易從容中道
難自明不變其所守也

箋

已上補出被放漢北明抽思之
故以變少歌之節為倡曰之辭

聽直

藉夢中之月星以導夢中之路程月星既皆是幻山河亦並非真
空有識路之營營而已如斯而以爲識路魂亦過於自信其直矣

蔣註

此若呼而怪之之詞曰何靈魂之信情直行而迫欲歸郢也當此
人我異心良媒中絕正使得歸當復何用余從容聽之久矣魂尚
未之知耶蓋嬉笑
之言甚於痛哭矣

亂曰長瀨湍流沂江潭

叶

兮狂顧南行聊以娛心兮

不得

還郢聊爲

自解之辭

蔣註

漢水南通江夏涉漢沂江則達郢矣然君不反已
則今之南行豈真至郢哉姑以快其南歸之思耳

九章

抽思

十

軫石

江心磯石

歲鬼

猶嵯峨

蹇吾願

叶映

今超回志度行隱進兮

箋

蹇吾願者江險難行也於是捨舟從陸超回者繞道入山又苦山路迂僻不識徑道以意度之隱進則更路迷而不得進也總以見其欲歸不

得之意

低回夷猶宿北姑兮

箋

至此欲進不得姑就北姑而宿應上所謂望北山而流涕也

煩冤瞽容實沛徂兮

箋

正欲快意南行不料為水陸所阻使我不得沛然如漢水之南流也

愁嘆苦神靈遙思兮

【箋】

族夜無眠又將入夢靈字即指夢中之魂言與上文兩魂字相應

路遠處幽又無行媒兮

三言媒字不無注意於作合之人

道思作頌

抽思也

聊

以自救

解

兮憂心不遂斯言誰告

叶

兮

【箋】

少歌之詞畧言之也倡曰之詞放言之也亂曰之詞聊以言之也此在九章中為另一體道三疊之意皆形容抽字義也

思美人

蔣註

承前抽思立說然抽思始欲陳詞美人終曰斯言誰告此篇始言舒情莫達終欲以死諫君然湘淵之沈乃在頃襄十數年後蓋為彭咸非徒以其死以其諫耳誓死以諫君諫而用則可以無死不用而尚可諫猶弗死也至於萬不可諫而後以死為諫此造思不

忘之

旨

思美人兮擘

拭

涕而竚眙

注目而望

媒絕路阻兮言不可結

而詒

箋

此因漢北有放回之命而先言媒絕路阻者懼到郢無薦達之人故先欲結言以諄美人也

蹇蹇之煩冤兮陷滯而不發

既陷於罪又滯於罰故冤不能明

申旦以舒中

情兮志沈菀而莫達

聽直

冤悲日煩今朝明旦日日皆然欲舒以發之而陷者更益之沈也煩者更益之菀也

願寄言於浮雲兮遇豐隆而不將

不為將命也

因歸鳥而致辭

兮羗迅高而難當

歸鴻冥冥飛而難值承上媒絕路阻來

洗髓

浮雲喻楚之遊宦漢北者畏令尹子蘭之威而不取歸鳥喻貴倖有事歸報朝廷者皆急行而不顧

高辛之靈晟兮遭元鳥而致詒

叶去

欲變節以從俗兮媿

易初而屈志

評註

因上歸鳥難當而上感高辛之事仍從媒字遞下言求意外遇合必須變節而從俗也

聽直

元鳥生商精神足以感格不能追古則當從俗而又重自愧也使易志而可為猶且志屈堪羞况變易之不可為乎

獨歷年而離愍兮羌馮心猶未化

叶寧隱閔而壽考

終猶

也身今何變易之可為

變節言

聽直

離愍馮心吾願也隱愍壽考吾寧也不發者不復望其發不達者不復冀其達也馮心未化者前年之悶尚不得消遞年之悶又已

積也

知前轍之不遂兮未改此度車既覆而馬顛兮蹇獨懷

此異路

與俗殊異之路

蔣註

知前轍句十一字一氣讀蓋以未改此度明前轍所以不遂也故後孤疑語與此遙應曰今秋廣遂前畫則我尚未改此度也前固

九章

思美人

三

以此不遂矣豈獨能
遂如今乎呼應極盡

勒騏驥而更駕兮造父爲我操之遷

延
逡
循
次
越
起
而

勿驅兮聊假日以須時

箋

此因媒絕路阻言又難結而詒故欲另選美驥更延良御以求追蹤靈
展冀與美人必合且囑其緩轡勿迫者恐覲面失之皆爲思字描寫

指嶠冢

山嶠冢
發輒

之西隈兮與曛黃以爲期

即黃昏以
爲期之意

箋

已上皆束裝未發
而設言其如此也

開春發歲兮白日出之悠悠吾將蕩志而愉樂兮遵江

夏以娛憂

箋

江夏在漢北之南去郢爲近娛愛則隨地遺懷耳

擘大薄

林薄

之芳茝兮舉長洲之宿莽

叶

此未與美人期會先爲自獻之計

惜

吾不及古人

謂生不並世

今吾誰與玩此芳草

叶七古反

箋

古人指高辛此悼己之靈辰不及古人雖有孤芳祇堪自賞恨無美人之與玩也

解篇尊

藝荷也舊訛薄

與雜菜

皆不芳之草

今備以爲交佩

佩此又佩彼故曰交佩佩

繽紛以繚轉兮遂萎絕而離異

見不可變節從俗之改

箋

篇尊四語承誰與玩此芳草言篇菜皆不芳之品而世人偏愛之且交相佩之以爲美不知道佩之而遽已萎絕離異矣比下南人變態言

吾且儻徊

徘徊

以娛憂兮觀南人之變態

叶

如蘭之委美從俗椒之專佞慢惰是也

九章

思美人

古

三 儻何娛憂不欲遽進而自爲忤度之詞觀兩人

變態嫌其變節從俗亦如篇柔之不耐久也

竊快在其中心兮揚厥馮而不埃

此爲蘆莽快也馨香滿蘊於中不埃他求而自然發揚於外矣

芳與澤

芳非澤則易枯

其雜糅兮羌芳華自中出

叶尺遂反

紛郁郁其遠烝兮滿內而外揚情與質信可保兮羌居

蔽而聞章

四

情與質指所玩之芳言信可保者不致萎絕而離異矣滿內則聞不擇地外揚則烝不限遠此固自信其美矣竊恐不能邀美人之盼賞依然

抱媒絕路

阻之憾也

令薜荔以爲理兮憚舉趾而緣木因芙蓉以爲媒兮憚

褰裳而濡足

經 薛荔喻貴戚芙蓉喻權倖自言
內美既足終耻枉道以干人也

登高

承緣木

吾不說

悅

兮入下

承濡足

吾不能

叶泥

固朕形之

不服兮

疎敖之性又不慣營緣

然容與而狐疑

欲進不能退又不可所以持兩端而不決也

廣遂前畫

前轍此承上而轉計之詞

兮未改此度也命則處幽吾將罷

兮

歸咎於命自嘆不能有所為也

願及

緊承將罷翻進一層

白日之未暮也

自顧時尚可為欲以死諫也

獨

熒熒而南行

指遵江夏言

兮思彭咸之故也

以思字起以思字結

蔣註

容與狐疑以下盡翻前案跌出彭咸章法絕
奇二也字作狐疑口吻其中又有賓主在

九章

思美人

五

涉江

箋

三閭無辜被放南夷可謂冤之極矣在他人開首必先發出許多牢騷
鬱邑不平語此偏寫得奇奇怪怪令人莫測其立言之妙蓋由其才之
高識之大志行之潔

故出筆都無烟火氣

蔣註

涉江袁郢皆頃襄時放於江南所作然袁郢發郢而至陵陽皆自
西徂東涉江從郢潛入澱浦乃自東北往西南當在既放陵陽之

後舊解合

之誤矣

余幼好此奇服兮

奇服先王之法服
喻志行之不羣也

年既老而不衰帶長

缺之陸離兮冠切雲之崔嵬

一起便
見不凡

被明月兮

夜光

珮寶璐世溷濁莫余知兮

此專指
楚言

吾方高

九章
馳而不顧

志則高矣美矣其受病亦正坐此

駕青蚪兮驟白螭吾與重華遊

兮瑤之圃

叶銷

二

與重華遊則胸中只有唐虞何論夏商以後

登崑崙兮食玉英

叶喻所處之高所養之正

吾與天地兮同壽與日月

兮齊光

三

此直欲希踪到聖人地位可以參天地贊化育矣原胸襟抱負之大彼楚人近在國中尚不能知何況遠夷又烏足以知之耶痛年老投荒不知何日得返首丘故於臨行時不惜盡情吐訴一番爲下文哀南夷句作勢

哀南夷

指辰陽苗夷

之莫吾知兮

此臨行夜中忖度語也已伏下具有行將往告之意矣

旦予濟

乎江湖

一旦字見被罪出於意外頃刻便行不能稍容竝足矣

蔣註

濟江湖者原自陵陽至辰潁必濟大江而歷洞庭也按湘水為洞庭正流濟洞庭即濟湘也鄂渚今武昌府濟江而西道經武昌其自陵陽

可知

乘鄂渚而反顧兮

君門萬里不堪回首

欵音哀秋冬之緒風

緒餘也征途適屆秋冬之交

步子馬兮山臯邸子車兮方林

一幅秋山行旅圖

乘船船余上沅兮齊吳榜而擊汰船容與而不進兮

然隱

有故都之戀

淹回水而凝滯

箋

此又一幅清江泛棹圖也一葉孤帆沙汀夜泊淹回難進能不令遷客魂銷於江上耶

朝發枉渚兮夕宿辰陽

此已入苗境

苟余心之端直兮雖僻遠

其何傷

自解之辭

入澱浦余儻徊兮迷不知吾所如深林杳以冥冥兮乃

猿狖之所居

箋

辰州志澱浦在辰州萬山中雲雨之氣皆山嵐烟瘴所結非人所居此時原已至澱浦尚未定安置之處故云不知所如

山峻高以蔽口兮下幽晦以多雨霰雪紛其無垠兮雲

霏霏而承宇

此正被放之所

辭

前高馳者今愈馳愈卑矣前不顧者今不得不屢顧矣前與重華遊者今與猿狖侶矣前與天地同壽日月同光者今入山林雨雪

中併不知有天地日

月矣字字與前五映

哀吾生之無樂兮

前哀南夷至此不能不自哀矣

幽獨處乎山中吾不能變

心以從俗兮固將愁苦而終窮

望

此獨坐空山自怨自艾之辭蓋亦自悔其立志太高絕人太甚暗中遭人妬忌以致今日有南夷之放也此時即悔亦無益何況不能悔乎故

曰固將愁

苦而終窮

接輿髡首兮桑扈羸行

二子一被髮佯狂一不衣冠而處此所謂賢不必以也

忠不必用

兮

下指伍子比干

賢不必以伍子逢殃兮比干菹醢

變

末引四子正見天道不可必人事不可量迴想從前許多抱負將欲致君堯舜與日月爭光者今皆付之於愁苦終窮而已矣豈非一夢

與前世而皆然兮吾又何怨乎今之人余將董道而不

豫兮固將重昏而終身

謂既蔽於懷王之世又錮於頃襄之朝

箋

如置身在激浦山中聽哀猿夜叫也

蔣註

董道不豫猶之高馳而不顧也重昏終身則與天地日月似不能比壽齊光矣然所負如彼所遇如此此亦忠臣志士所莫可如何者矣以感慨作收

亂曰鸞鳥鳳皇日以遠兮燕雀烏鵲巢堂壇兮露申

露申

葉也蔣註瑞香一名露甲申或甲字之譌

辛夷死林薄兮腥臊並御芳不得薄兮

陰陽易位

後宮女子執政

時不當兮懷信侘傺忽乎吾將行兮

遙應

篇首曰子濟

乎江湘句

箋

此亂曰非結通章之文蓋慮南夷莫我知且不知我去位之故故設爲此詞以告之耳按南夷去郢都遠燕雀巢堂陰陽易位彼邊氓烏得以知之此正屈子所急欲自白者故不憚重敘述忽乎二字有連自己亦不知所以被放之故意在昭明取此八選獨刪去亂曰一段使屈子之文有首無尾是不知此乃專爲哀南夷莫吾知句而設也

蔣註

惜往日云願陳情以自行兮得罪過之不意或者九年不復之後復以陳詞撓怒而再謫辰陽故其詞彌激歟篇中曰將濟曰將行又曰將愁苦而終窮將重昏而終身蓋未行時所作也

哀郢

辭鏡

屈子被放九年料不能復歸郢都故有是作不曰思郢而曰哀郢者頃襄初立于蘭為令尹上官大夫等獻媚固寵妬賢害國較之懷王之世尤甚當初放時已見百姓震遷離散不知此九年中更作何狀恐天不純命實有可哀者若夫已之思返不得返猶在第二義

也

皇天之不純命兮何百姓之震愆

不純命即天命靡常之意震愆動輒得罪也不便言君故歸之

於天民離散而相失兮方仲春

紀時

而東遷

秦兵西來故民急東遷

去故鄉而就遠兮遵江夏以流亡

痛已亦隨流民之亡於道路

出國門而

軫懷兮甲之鼃

紀日

吾以行

叶

發郢都而去閭兮怊荒忽其焉極楫叁同齊揚以容與兮

循夏水東行哀見君而不再得

望長楸故園喬木而太息兮涕淫淫其若霰過夏首而西浮

兮舟路曲有西向者顧龍門而不見楚都南關二門一名龍門一名修門

心嬋媛而傷懷兮眇不知其所蹠踐順風波而流從兮

焉洋洋而為客李賀曰洋洋為客一語倍覺黯然

凌陽侯之汜濫兮伏義臣凌陽國侯波神也忽翱翔之焉薄順風而行若鳥之飛心

絀結而不解兮思蹇產同巉巖山屈曲貌而不釋叶灼

將運舟而下浮兮上洞庭而下江叶去終古之所居兮

今逍遙而來東

蔣註

洞庭入江之口今岳州巴陵縣上下謂左右東向西向俱以南方為上今自荆達岳東向而行洞庭在其南故以洞庭為上而江為

下也

羌靈魂之欲歸兮何須臾而忘返背夏浦而西思兮哀

點哀
字
故都之日遠

蔣註

夏水東徑沔陽入漢兼流至武昌而會於江謂之夏口背夏浦則過夏口而東過鄂渚至興國道潯陽則大墳約畧可睹

登大墳

大墳在陵陽境水中高者曰墳

以遠望兮聊以舒吾憂心

林注舒字根上不解不釋來謂

九章

哀郢

辛

曠觀可以散懷且舒途次之憂而不知適以增哀與悲也

哀州土

指陵陽言

之平樂兮

先王之善政猶存

悲

江介之遺風

叶乎金反故家之遺風如故哀悲者謂祖宗舊封其子孫將不能守也

當陵陽之焉至今

此追述未至時

祿南渡之焉如

陵陽在池州青陽縣渡江而南祿然無際者廬

江也古陵陽境距大江百里而遙南渡者謂出江至陵陽也

會不知夏之爲邱兮孰兩東門之

可蕪

焦竑曰六朝如夢鳥空啼不如此二語慘絕

箋

此在陵陽追念昔日郢都荒亂會慮及陵陽邊氓不知作何等顛沛也及登大墳祿祿南望乃不料其遺風如故烽火無驚會若不知有郢都之荒亂者今事歷九年又豈知郢都陵谷之變遷夏水化而爲邱東門全然榛莽耶蓋楚恃方城漢水之險不料爲秦兵填塞夏首使漢水不得通流險失所據以致兩東門車馬喧闐之地人烟湊集之所一旦皆蕩而爲榛莽矣此銅駝荆棘之悲故數百年後魂猶行吟此二語於江

也上

外傳

晉咸安中有吳人顏珏者泊汨羅夜深月明聞有人行吟曰曾不
知夏之為邱兮孰兩東門之可蕪珏異之前曰汝三閭大夫耶忽

不見其

所之

心不怡之長久兮憂與愁其相接惟郢路之遼遠兮江
與夏之不可涉

王遠曰

此言哀思日以深故國日以遠悽然有國破山河在
之感詩云百爾所思不如我所之與此一副神理

忽若去不信兮至今九年而不復慘鬱鬱而不開兮蹇

侘僚而含戚

叶促

王遠曰

言我忽然去國已是異事不信至今九年猶不復也從九年後追憶前九年中惟以悲慘過日忽不覺如此其久也

補註

原初被放在懷王十六年至十八年復召用之有使齊之行三十年有會武關之誅頃襄王立復放原九年不復固當在頃襄世也

外承歡之汨汨兮

誠

荏弱而難持

小人外飾媚態以承君歡內若在弱難持使人視以

為柔軟而不知笑中有刀活畫出小人情狀

忠湛湛而願進兮

仇

妬被離而鄣之

箋

此追朔從前在郢都時被小人嫉妒之害與非罪棄逐之冤也

彼堯舜之抗行兮

叶

瞭杳杳而薄天

被以不慈之偽名

箋

極言其巧言如簧雖以堯舜之高明薄天猶謂其不傳子而傳賢被以不慈偽名況其下者乎

憎慍惓

忠惓貌

之修美兮好夫人之忼慨衆踳踳而日進

兮美超遠而踳邁

聽直

小人安有忼慨意氣當其得君時侈口而談論天下事無非一忼慨之情狀而在君子則必沈吟籌度輕若不吐諸口遂反以君子為嫵媚可憎小人為爽直可喜於是小人日益進君子日益遠矣

亂曰曼

引

余日以流觀兮冀壹反之何時鳥飛返故鄉

兮

思舊巢也

狐死必首邱

叶欺

信非吾臯而棄逐兮何日夜而

忘之

結出哀字正意

悲回風

發明

九章難讀而悲回風尤難讀朱子猶嫌其顛到重複蓋未悉此文乃傷懷王入秦不返欲以身殉而自明其志也且首自悲回風起至詩之所明乃其賦序舊註亦未截斷自席從容以下皆託言夢境登石巒以下心不忘郢仍屬魂遊自傾寤以下盡言死後魂在波中漂蕩之苦至若悲霜雪之俱下聽潮聲之相擊則又慘不可讀矣末則不悲自己反悲申徒之任石恐己空死無益亦猶申徒之抗迹也篇中三引彭咸各有取義故不嫌其複也按史稱懷王三十年秦復伐楚取八城遺書與楚會武關結盟昭睢諫無往王稚子子蘭勸王行秦詐令一將軍號爲秦王伏兵武關俟懷王至閉之遂與西至咸陽朝章臺如藩臣不與亢禮要其割巫黔中郡懷王怒不許因留秦時太子橫質於齊未歸人心惶惶屈子以疏放之臣當此敗亡之際爲人臣子者雖極疏遠能寂無一言以弔其若乎歷來注家從未發明此義故附會白出不得不掃除羣言另標新義

悲一篇回風秋氣回邪賊人故曰回風秦正在西於時為秋喻秦詐楚之搖蕙兮以蕙喻懷猶心

冤結而內傷物有微而隕性國破君亡苟有人聲有隱而先

倡

經武關之入昭睢諫不聽是時楚必有先知秦之謀者人言嘖嘖無如楚懷不聞何

夫何彭咸之造思兮此以彭咸喻已造暨志介因而不忘欲

人讀其文而悲其志也萬變其情豈可蓋掩兮孰虛偽之可長

經楚懷被晉朝章臺如潘臣不與亢禮辱國已甚而羣奸猶諱其事虛偽其詞不曰拘而曰畱是欲蓋彌彰何能長掩耶

鳥獸鳴以號羣兮隨從入關士卒同被拘畱父不能不號其子妻不能不號其夫草苴音鮮生曰草枯曰苴比

而不芳

狀羣好之倉皇失魄也

魚葺鱗以自別兮

士大夫有避嫌疑而諉罪者

蛟龍隱其

文章

賢人有懼既而去位者

解

已上皆實指當時情事而不敢直言者恐暴君過特隱約其詞故後文一則曰獨隱伏而思慮再則曰孰能思而不隱兮皆著明此義也

故茶薺不同晦兮蘭茝幽而獨芳

茶薺薺甘其味殊蘭茝之幽不與草薺為伍其芳獨此原自喻

惟佳人

變彭咸稱佳入直以已自任矣

之永都兮更統世而自貶

叶荒易世相感不改其節

眇遠志

發蒙遠志節自貶之志

之所及兮

眇其一目而仰視之以定其高下之所及

憐浮雲之相

羊介眇志之所惑兮

恐已志不明為人所疑

竊賦詩之所明

叶已上悲回風賦

序

箋

眇我志之所及者欲及彭咸也憐浮雲之相羊者君亡無主如浮雲之無依也竊賦者卽此篇也

正誤

舊註序文不分故人誤謂文多重複佳人王逸譌謂懷襄王賦詩蔣驥誤認爲賦離騷抽思思美人三篇可爲噴飯

惟佳人

喻已

之獨懷

懷懷王也

今折芳椒以自處曾歔歔之嗟

嗟兮獨隱伏而思慮

玩兩獨字則知當時臣民慟心而思懷王者惟屈子一人而已

箋

重提佳人所謂更統世以自貶也折芳椒以自處者痛孤芳無用力之地獨隱伏思慮者恨身不能奮飛入秦而返楚懷之駕也

涕泣交而淒淒兮思不眠以至曙終長夜之曼曼兮掩

此哀而不去

寤

由思入夢 御案似夢非夢而若有見謂之寤夢

從容以周流兮聊逍遙以自恃

恃有

夢以為道
遙計也

傷太息之愍歎兮氣於邑而不可止

及醒固不能追
遙而入秦也

紕紕

思心以為縷

佩帶

兮編

結

愁苦以為膺

絡

折若木以

蔽光兮隨飄風之所仍

三

此因於邑不寐急欲入秦不得於是復思入夢特恐愁思纍纍負重難行故欲紕之以為縷編之以為膺以便於束縛佩帶而行也折若木以

蔽光者慮陽光射目欲變晝為夜一任神魂隨風飄送以遂其迫切欲見王之心也

存髮髯而不見兮

存髮髯者隱若秦闕在望矣不見者不見懷王也

心踊躍其若湯

急欲

關撫珮袵以案志兮

此已入秦境矣

超惘惘而遂行

叶惘惘者有茫然不知其所之之意

歲習習其若頽兮皆亦冉冉而將至蘋蘩稿而節離兮

芳已歇而不比

叶去

箋

此夢醒而悼時光之迅速也纔見秋風搖蕙聯已節離草枯悵魂夢依然我固未嘗入秦也

憐思心之不可懲兮證此言之不可聊

叶留不以思之渺茫爲懲而反以爲憐者欲證

返懷之言明知其不能而必欲證之者不肯作聊且之詞也

寧溘死而流亡兮

謂寧死於秦關道路

不忍此

心之長愁

箋

總爲後文登石巒上高巖作勢不肯以前之一夢而止此則必欲神魂親至其地目覩懷王無恙始得紓我之愁而解我之鬱也

孤子唵而拔淚兮放子出而不還

叶魂二語證此言之不可聊也

孰能思而

不隱兮昭彭咸之所聞

箋

懷王留秦事多不便明言故總託諸隱語以自
寫其愛思也昭彭咸所聞欲以自明其志也

蔣註

所以然者秦關不返孤臣有故主之悲南土投
荒放子無還家之日此固交痛而不能已者

登石巒以遠望兮

先寫望郢

路眇眇之默默

路既眇眇時復昏黑

入

入國都也

景

影響之無應兮聞省想而不可得

大有魂來楓林青魂返關塞黑意

箋

此魂又入夢景響無應嘆國中之無人也聞是欲聞圖議國事省
是省問在秦消息想是思想從前信任之專不可得三字起下

愁鬱鬱之無快兮居戚戚而不解心鞿羈而不開兮氣

繚轉而自締

九章

悲回風

老

鑑 此望見郢都城內形象光景敗壞如
此能不令人氣轉鬱而心轉戚耶

穆眇眇之無垠兮莽芒芒之無儀
此寫望秦也秋風悽慘秋色蕭條莽莽平原未知何處是吾君

栖依之所言念及此寧不令孤臣淚落連珠子哉
聲有隱而相感兮物有純而不可為

箋 前眇眇歎郢路之遙遠也此眇眇嘆懷王之孤魂羈於秦也芒芒無儀
不見其形影也聲隱有感兩魂異地相望恍聞悲哭之聲也物純不可

為者前懷王因誤信子蘭奈何絕秦歡一派媚秦軟語迎合秦昭卒致被留故痛斥其純而不可為深有恨於此也

邈漫漫之不可量兮縹綿綿之不可紆
愁悄悄之常悲

點悲字醒題
兮翩冥冥之不可娛
凌大波而流風兮託彭咸之

所居
此悲已之神魂茫茫飄泊於黑雲霧雨之中不知秦關何在楚塞何存與其生而魂遊不若早從地下之為妙也

望

凌歷也流者隨波而漂也漫漫綿綿者此恨無期也翩冥冥者託足無所也凌大波而流風者此直欲以身殉矣從石磴以下連用十疊字一氣奔注至彭咸為歸宿之地不曰死而曰託者蓋未寤彭咸而先為擬託之詞

上高巖之峭岸兮處雌蜺之標顛據青冥而攄虹兮遂

儵忽而捫天

望

此設言死後之神遊也上高巖之峭岸者嘆塵海茫茫此愁何日得紓不若上登高巖姑為汗漫之遊以求弭悲之術據青冥攄虹蜺而捫青天極其遊之所至不但思可以無庸紓愁可以毋庸編而哀亦可以掩而去矣

吸湛露之浮涼兮漱凝霜之雰雰依風穴

在崑崙北門

以自息

兮忽傾

同頃

寤

同

以嬋媛

彭咸來矣

漂翻翻其上下兮翼

也 此翼

遙遙其左右

叶

汜滴滴其前

後兮伴張弛之信期

叶起又連用八疊字
與前相應字字工煉

注

此悲同沒於水者漂者水上之尸翼者水中之鬼汜者騎鯨之夜又水怪也張者潮之來弛者汐之去伴者則鬼與鬼怪與怪互相結伴而隨潮汐之往來也已上描寫波之混漾簸蕩處大有海水羣飛驚濤夜湧之勢又若有無數冤魂在於上下左右前後呼嘯啼泣凄凄切切猶聞索命之聲山鬼而外復見斯篇恍若魑魅滿紙真神於說鬼

觀炎氣之相仍

此悲尸在淵久歷四時而如生也

今窺煙

雲

液雨

之所積悲

霜雪之俱下兮聽潮水之相擊

見耳目所觸無非悽慘相擊二字不忍卒讀

借光

日景月光

以往來兮施黃棘之枉策

中山經苦山有木名黃棘黃花圓葉其實如蘭

故取為策
馬之鞭

求介子之所存兮見伯夷之放迹心調度而弗

去兮刻著志

回應
序首

之無適

時刻調度於
心而弗去

箋

往來施策見死後精靈不沒求介子之所存者欲生保懷王歸國如晉
文故事見伯夷之放迹者設楚不幸國滅於秦必效伯夷不食而死也

正誤草木疏

借光景以往來猶離騷經聊假日
以媮樂逸注作神光電景非是

曰

亂
詞

吾怨往昔之所冀兮悼來者之逖逖

憂懼
貌

箋

言吾往昔所冀者君如堯舜臣盡臯夔不料懷王卒死於秦使我竟
成虛願今襄雖繼立不能步武前王恐危亡將至能不為之逖逖耶

正誤

曰者亂詞也註家均連上文
作屈子自己解說之詞誤也

浮江淮而入海兮從子胥而自適望大河之洲渚兮悲

結上 申徒 申徒狄諫紂不聽 之抗跡驟諫君而不聽兮任 負

重石之何益心絀結而不解兮思 結思 蹇產而不釋

蹇 前求介子見伯夷者指死後言也此從子胥悲申徒者指生前

洗 言也思蹇產不釋是仍望於頃襄之繼立故不忍遽自引決也

言吾策馬西征求介推於綢上不若乘舟東濟覓子胥於海中從之自適乃還望大河申徒之抗迹猶存不覺怒然心悲當年任石無救殷亡今日懷沙曷裨楚敗掘虹捫天殆冥途夢境清江激霧非事勢能為惟有華同調之古人弔孤忠於方外而絀結之心與蹇產之思終古莫釋空作遊魂於江上已耳

惜往日

箋

通篇惜字三見譏字六見貞臣字三見靡字四見蓋慟哭陳情之辭將

平昔一片忠肝義膽生既不能見白於君故於臨淵致命時不得不有

此一番慟哭也哀音血淚一字一泣

惜往日之曾信兮

指為左徒時

受命詔以昭時

奉命造憲令未昭者為之申明已昭者益從而

廣之也

奉先功

先君功烈

以照下兮

照臨下土

明法度之嫌疑

箋

法度即五刑糾萬民之法八辟麗邦法之度嫌疑則罪疑惟輕功疑惟重之類

國富強而法立兮屬貞臣

自喻

而日娛

日娛者君無猜下之嫌朝無貝錦之憂故得日娛以

樂也

秘密事之載心

藏諸心也

今雖過失

錯誤

猶弗治

叶平寬宥也

三 已上述懷之寵
遇於已獨厚

心純龐而不泄兮

不敢以機密妄泄與人

遭讒人而嫉之

即指草創憲令屬案未定上官大夫

欲奪之而不與遂以自伐其功而讒之也

君含怒以待臣兮不清激

省察也

其然否

叶悲此中之虛實然否清激立見無如含怒在先一切不為之省察矣

蔽晦君之聰明兮虛惑誤又以欺

見君本聰明奈為虛惑誤欺四者所蔽

集註

虛空言也惑誤疑而誤之也然猶畏之也至於欺則公肆誣罔而無所憚矣

弗參驗以考實兮

不以讒言參互考驗而遽信以為實

遠遷臣而弗思

信讒諛之溷濁兮賊氣志而過之

賊氣志含怒也過督責之也見前雖有過尚蒙弗治今則有意

督責之矣何貞臣與上貞臣緊對之無辜兮被譴謗而見尤叶慙光景

之誠信兮身幽隱而備之備受其幽隱莫白之冤也

箋已上兼懷襄兩世言自憤誠信不能如光景之昭明於世故對之而生慙也

臨沅湘之元淵兮遂自忍而沈流卒沒身而絕名兮惜

靡古塞字君之不昭叶周明

箋此痛幽隱不白對景生慙不若早赴深淵然又竊恐沒身絕名而鄭袖于蘭靳尚等蔽晦欺罔之處不得昭明於世故特著一靡字以明定其罪如春秋趙盾書弑之例益深恨若輩既靡其父又靡其子也

君無度而弗察兮使芳草為藪幽藪荒澤也言與澤草同腐焉舒情而抽

信兮

王明曰釋之而不窮者思也引之而如一者信也故曰抽信

恬死亡而不聊

叶君既弗察宜安於死不苟且以

生獨郭壅

承無度句

而蔽隱兮

承藪幽句

使貞臣而無由

無路自達也

經
此述頃襄之放已也

聞百里之為虜兮伊尹烹於庖厨

叶稠

呂望屠於朝歌兮

甯戚歌而飯牛不逢湯武與桓繆兮世孰云而知之

叶周

人君能察故

貞臣得用

吳信讒而弗味兮

巧言孔甘毒藥苦口

子胥死而後憂

越滅吳夫差臨死始言無面目見員

介子忠而立枯兮文君寤而追求封介山而為之禁兮

報大德之優游思久故之親身兮因縞素而哭之

叶久故親身對

往日會

信言

箋

已上援古以自慨也

蔣註

介子立枯數語乃通身著意處故於文之加禮子推盡盡述之蓋忍死而惓惓有望也

或忠信而死節兮或詭

音詭詐欺也

譏而不疑

欺君罔上者反用之不疑

弗省察

而按實兮聽讒人之虛辭芳與澤其雜糅兮孰申旦而

別之

箋

此概論古今時主

何芳草之蚤歿兮微霜降而下戒

叶昂微霜下戒正
催芳之早歿也

諒不聰

明而蔽靡兮使讒諛而日得

三

此自傷身之被放皆因君受小人靡蔽以致不聰不明諒不聰
明者是諒其聰本不明故使小人日益自得也此推原之辭

自前世

指懷王時

之嫉賢兮謂蕙若

杜若

其不可佩

叶

妒佳冶

之芬芳兮蓼母姣而自好

叶

雖有西施之美容兮讒妒

入以自代

叶帝

四

嫫母何可代西施以讒人之口則西施絕不如嫫母之好蓋小人不知
己之不堪而欲逞材以專寵也推原其病根自懷王時已然又何怪乎

今之人

願陳情以白行兮得臯過之不意情冤真情冤狀也見之日明

兮如列宿之錯置錯置倒置也言我之情冤如列宿倒置在天人人明白奈自懷至裏屢訴而屢獲罪何也

乘騏驥而馳騁兮無轡銜而自載乘汜汴同桴小水楫以下流

兮無舟楫而自備背法度而心治師心為治兮辟與此其無

異

鑒此深痛懷裏兩朝用人治國之不當所以必敗也雖有騏驥無轡銜則泛駕雖有桴筏亦必有舟楫方穩備以喻治國不由法度而師心為治

國必亂况當此敗亡之際尤當山法度行繳上明法度為前後關鍵

寧溘死而流亡兮恐禍殃之有再不畢辭而赴淵兮惜

靡君之不識

仍以靡君作結

箋

禍殃有再為頃襄懼也當懷王受欺於秦武關之入卒死於秦頃襄嗣位忘不共之讐輒與結姻和好更稱七年迎婦於秦十四年又與秦昭會宛和親夫秦素稱虎狼之國豈可信其欺詐耶三閭自痛身放南荒不得與聞國政眼見頃襄不鑒前車必蹈其覆故曰恐禍殃之有再也然迎婦會宛和親之舉自必又出於子蘭靳尚諸奸計方以為迎合秦人乃息兵妙策而不知其非也靡君不識正痛恨此等庸愚妄參廟謨不識秦人用詐之計覆亡之禍應在指日故不辭而赴淵也

聽直

不識與不昭對峙通篇只兩段惜往日之會信至惜君之不昭為一段君無度而弗察至靡君之不識為一段

蔣誌

按原之死大約在頃襄十五六年間史稱襄二十一年秦拔郢鄢取洞庭五湖江南沅湘元淵皆為秦有禍殃有再之言不旋踵驗矣

懷沙

雲

太史公列傳漁父之後即繼以懷沙曰於是懷石自沈汨羅則此篇當是絕筆之文又按外傳稱原晚益憤懣披蓁茹草混同鳥獸不交世務採柏實和桂膏歌遠遊之章託遊仙以自適王通逐之於五月五日遂赴清冷之水其神遊於天河精靈時降湘浦楚人祀為水仙

陶陶

從更記他本作滔滔

孟夏兮草木莽莽

叶

傷懷永哀

聲淚俱盡

兮汨

聿

徂南土

雲

孟夏時猶清和草木莽莽此猶淵明所謂盛夏草木長繞屋樹扶疎之意悼其被放南土無廬可託勢不能再覲顏以偷生也南土指往長沙

汨羅言已

之死所也

眴

音瞬眴眩也

兮窈窕

從更記一作杳杳

孔靜幽墨

一作默

冤結紆

屈軫

痛

今離愍而長鞠

窮

箋

此臨淵而嘆其水之深與水之色黝然而幽也蓋水至深則色必黑無風則波平而孔靜矣胸今二字妙絕眼視汨水深黑處即投死之所有不忍視不能再視之意故目爲之眩而神爲之昏也

寃結句追思昔日之鬱離愍句正鳴今日之苦也

聽直

胸兮杳杳者有目數視而不得其所見之處失意失神見日月皆若無光顧山河盡成冥途也無象可觀之謂幽無聲可聞之謂默

聲象交廢之謂孔靜如此景況竟入於

鬼界矣是篇爲畢命之詞易於用慘

撫循

情効

覈

志兮俛訕以自抑矧方以爲園兮常度未

替

箋

此因一生梗槩大節悉死去不明剩一息尚存盡情歷序一番似自撰行狀畱與千百世後人讀其文而悲之也更記獨載此賦迨亦將有感

於斯

文

易初

變易初心

本廸

本於先人啟廸之道

今君子所鄙章畫志墨

章明也畫如卦畫之

畫墨繩墨志

念之不忘

今前圖未改

叶已

內厚質正兮大人所城

美也

巧倕

垂舜之共正

不斷兮孰察其揆

正

評註

言倕必斲而後知其巧喻已不見用無人知其才德也

元文

黑文

幽處

幽暗之地

今矇眴

有眸子而無見曰矇無眸子曰眴

謂之不章離婁微

睇兮瞽以為無明

叶

離婁以視爲明微睇而無不見瞽以不見爲明而能以意揣之無所用其明以喻衆人能見有形而不能見無形也此承巧倖不斷以喻人不

能察其所

揆之正也

變白而爲黑兮倒上以爲下叶鳳凰在笈兮雞鶩翔舞

箋此甚形其謬言瞽說能變白爲黑倒上爲下不僅不察不見而已也鳳凰雞鶩喻君子被困小人得志皆由其黑白不分致令冠履倒置也

同糅玉石兮一概而相量叶平悵懷王爲羣小所惑也惟黨人之鄙固兮

羌不知余之所臧

箋獨提黨人者不敢直言怨君故借黨人之鄙固以痛君之不能見量於己此微詞也

任重載盛兮陷滯而不濟懷瑾握瑜兮窮不得所示

鑒 此追悼為左徒時遇讒被疎既未得克展其才而放廢之後沈淪異地復未得竟其用也

邑犬羣吠兮吠所怪也 誹俊疑傑兮固庸態也 此指黨人言

洗髓 詞愈憤而愈刻意愈慢而愈激即犬吠數語益見其不平之氣是必見恨於小人矣

文質疎內兮衆不知余之異采材樸委積 儲蓄充足也 兮莫知

余之所有 叶

鑒 兩不知皆跟上文知字來 文質材樸正是其所藏處

寄語 文質疏內感德若愚也 材樸委積實若虛也

重仁襲義兮謹厚以為豐重華不可選 晤 兮孰知 即以知字貫下

余之從容

三

此又申言人所不知之故重仁襲義謹厚為豐八字乃屈子一生大學問大抱負豈當時人所能識綱維在昔惟重華乃原寤寐所仰止者惜

又不能一還此外孰有知

余之從容而中道者耶

古固有不並兮

不並世而生

豈知其故也

豈知我今日臨淵之故

湯禹久遠兮

邈不可慕也

聖帝往矣明王又不作吾其已夫之嘆

懲違改忿兮抑心而自彊離慙而不遷兮願志之有像

願死後

傳世

游

生莫與並惟是修其在我違則懲之不貳吾過忿則改之不馮吾怒抑制此心勉強為善雖遭憂慙初服不遷既無復顧望於人間

願志獲成而有像為
後世之表儀而已矣

進路北次
向汨羅之路
今日昧昧其將暮
情景難堪
舒憂娛哀兮限

之以大故

三
以懷石為舒憂以投淵為娛哀命盡於此天實限之夫何怨哉懷音修
修至今猶聞帝上已上又似一篇自祭文亂曰以下則自題墓志銘也

亂曰浩浩沅湘分流汨兮
汨羅在長沙府湘陰縣沅出蜀郡至長沙湘出零陵亦至長沙
修路幽

蔽道遠忽兮

聽直
登視沅湘之分流瞻念來投之修路向之所謂幽僻而遙遠
者今忽焉已至矣是江水逼人死地江聲告人以死期矣

懷質抱情獨無匹
叶平
兮
無耦也集註作正
伯樂既沒驥焉程兮

聽直

懷抱獨知世無復相馬者矣付驥骨清流足矣將曰自沈之非正命耶

民生稟命各有所錯兮

壽夭窮通各有數定

定心廣志子何畏懼兮

箋

心定則仰不愧天志廣則俯不忤人畏懼頂篇首駒兮窈窕孔靜幽墨言謂水之深黑而可畏懼也

曾傷恒哀永嘆喟兮世溷濁莫吾知人心不可謂兮

聽直

既無畏懼而又不能不歎傷者君國之恨地下逝魂所不能忘縱骨化形銷而此傷猶增此歎猶永也生前之傷歎莫之省死後之傷歎益莫之聞九泉迴隔又安能呼溷濁之人而寄聲相謂俾改故輒慰此逝魂乎

知死不可讓願勿愛兮明告君子吾將以為類兮

叶

箋

未以死字反結知字知死不可讓則生亦無益何必欲求人之知也將前後數知字一筆掃卻而歸於死之一途固可以免色犬之羣吠矣

聽直

世豈有可借死之人同心地下哉此非可讓之事願勿自愛其死而已縷陳死因明告後之君子倘後有死忠如我者吾將引之以爲儔類庶地下不孤也從彭咸之遺則以此心質之前世也明告爲類以此心待之後世也前望千載後望千載顧影子立足跼眸穿悠悠當代竟何人哉

橘頌

〔箋〕

史記貨殖傳稱江陵千樹橘江陵與夔峽皆在漢水之南楚文王所都之南郢地昭王畏吳徙都於郢稱郢都今襄陸界後復歸於郢則原之頌橘似在郢都作也黃維章次橘頌於悲回風之前蔣驥次於懷沙之後余細玩其詞雖不能定其作於何時其曰受命不遷是言稟受天賦之命非被放之命也其曰嗟爾幼志年歲雖少明明自道蓋早年童冠時作也

〔辭〕

一篇小小物贊說出許多大道理且以爲有志有德可師可友而尊之以頌可爲備極稱揚看來句句頌橘又句句不是頌橘但見原與橘分不得是一是二彼

此互映有鏡花水月之妙

后皇嘉樹橘徠服

謂天生嘉樹獨產南服也

兮受命不遷

橘喻淮成枳

生南國兮

深固難徙更壹志兮

深根固蒂喻其不逐於汚俗也

綠葉素榮紛其可喜

去叶

兮花葉喻

文藝

曾枝剡棘

喻廉隅

圓果

喻實德

搏

同團

兮青黃

青實未熟黃已熟時

雜糅文

章爛

叶

兮

文章燦爛喻德之發於外者

精色內白類任道

叶徒切

兮

精色內蘊類有道者之行廉志潔也

紛緼

威貌

宜修姱

而不醜兮

善於修飾純乎自然不假人為也

【箋】

文分前後兩截上截寫橘之素其下截表橘之貞操

嗟爾幼志有以異兮獨立不遷豈不可喜兮

申上受命句

【箋】

獨提幼志二字蓋追憶覽揆初度之事也獨立不遷則重之以修能也

深固難徙廓其無求兮

只知深固其本根而於身外固廓然無所求於天地間也申上深固句

蘇

同陳

世獨立橫而不流兮

箋

既已無求於外自然與世自疎獨立者了然不羣橫而不流者旁行之枝橫生而不撓也

閉心自慎終不過失

叶 兮

閉心屏去嗜欲自慎戒慎恐懼以自盟其幽獨也

秉德無私

參天地兮

箋

天下惟至誠可以參天地一橘之微何至頌言若此此大夫自寫照欲與天地同垂不朽也

願歲并謝與長友

叶

兮淑離不淫

不淫其志

梗其有理兮

箋

歲謝不凋則其真可仰淑離不淫見其交之久而能敬親之不暱遠之不疎梗然崛強而有理也

年歲雖少

應上
幼志

可師長兮行比伯夷置以為像

上叶兮

三

言橘之貞操亮節不但為我之友並可以為我之師與長何也蓋伯夷聖之清者我素所景仰欲寫伯夷之像不可得今若範橘之形可當伯

夷之像而

事之也

屈辭精義卷之四